

**KANTONALNA
PRIVREDNA
KOMORA
TUZLA
BROJ 3 i 4
MART/
APRIL
2012.**



KOMORSKI INFORMATOR



**SJEDNICE UO I
SKUPŠTINE KANTONALNE
PRIVREDNE KOMORE
TUZLA**



**BLOK 7 TE TUZLA –
PRIORITETNI CILJ**



**IZBORNA SKUPŠTINA
UDRUŽENJA ZA ŠUMARSTVO
I PRERADU DRVETA**



**PIVARI U ZAŠTITI DOMAĆE
PROIZVODNJE**

KOMORSKI
INFORMATOR
broj 3 i 4 - 2012

**KANTONALNA
PRIVREDNA
KOMORA TUZLA**

Izdavački savjet:

1. Nedret Kikanović, predsjednik
2. Mirsad Kukić, član
3. Bajazit Jašarević, član
4. Jorgovan Begić, član
5. Gorana Dautović, član

Redakcijski kolegij:

1. Jorgovan Begić, predsjednik
2. Nedret Kikanović, član
3. Esad Arnautović, član
4. Suad Selimović, član
5. Nurudin Žunić, član

Izdavač:

Kantonalna privredna komora Tuzla

Glavni i odgovorni urednik:

Dino Kalesić, dipl. žurnalista

Tehnička priprema, repro i štampa:

HARFO-GRAF, d.o.o. Tuzla

Za Štampariju:

Branka Krecó-Mehić, direktor

Tiraž:

500 primjeraka,
mart/april 2012. god.

Adresa:

Trg slobode bb
e-mail: komora@kpkt.ba
http://www.kpktz.ba

Ministarstvo obrazovanja, nauke, kulture i sporta na osnovu Člana 19. tačka 13. stav 2. Zakona o porezu na promet proizvoda i usluga ("Sl. novine Federacije Bosne i Hercegovine", broj: 6/95 i 25/97), rješavajući o zahtjevu Kantonalne privredne komore Tuzla broj: 10/15-4481/99. od 30. 04. 1999. godine, dalo je mišljenje o oslobađanju poreza na promet glasila "Komorski informator".

SADRŽAJ:

XIV SJEDNICA UPRAVNOG ODBORA KANTONALNE PRIVREDNE KOMORE TUZLA	3
V SJEDNICA SKUPŠTINE KANTONALNE PRIVREDNE KOMORE TUZLA	3
ODRŽANA OBUKA O KUĆNOM CARINJENJU – LOKALNO UVOZNO CARINJENJE	4
„PORESKA REFORMA U FUNKCIJI INVESTICIJA I ZAPOŠLJAVANJA“	5
SJEDNICA ODBORA UDRUŽENJA ZA TRGOVINU, UGOSTITELJSTVO I TURIZAM	6
PODRŠKA IZGRADNJI TERMOENERGETSKIH SISTEMA U BANOVIĆIMA I TUZLI	6
ODBOR SEKCIJE ZA UNUTRAŠNJI PRIJEVOZ PUTNIKA	7
BLOK 7 TE TUZLA – PRIORITETNI CILJ	8
IZBORNA SKUPŠTINA UDRUŽENJA ZA ŠUMARSTVO I PRERADU DRVETA	9
PIVARI U ZAŠTITI DOMAĆE PROIZVODNJE	10
PRIVREDA TK NA 19. OSJEČKOM SAJMU	13
“OMEGA” PONOVO BLISTA – ISPUNJENA SVA OČEKIVANJA	14
URED MEDIJATORA U KOMORI TUZLA	16
“BORPLASTIKA EKO” DOO TUZLA	17
PRIVREDNA KRETANJA U TUZLANSKOM KANTONU I-II 2012	18

ZAŠTO BITI ČLANICA KANTONALNE PRIVREDNE KOMORE TUZLA

Komora svojim članicama kao i onima koji žele biti član ove privredne asocijacije, pomaže u realizaciji poslovnih ciljeva i planova i zastupa njihove interese.

To se prije svega odnosi na:

- Organizovanje u udruženja po granama djelatnosti: vijeće, sekcije, komisije i druge oblike organizovanja u zastupanju i realizovanju poslovnih ciljeva
- Mogućnost besplatnog korištenja kompletne infrastrukture Komore u provođenju svih oblika aktivnosti (multimedijalna sala za sjednice, fax, telefon i druga tehnička pomagala) za održavanje skupova, sastanaka, prezentacija, promocija, predavanja i seminara
- Posredovanje kod izdavanja viza
- Pripremanje i organizovanje nastupa na sajmovima, izložbama i drugim oblicima prezentacije
- Besplatno predstavljanje u listu "Komorski informator"
- Besplatno predstavljanje na web stranici Komore
- Besplatni mali oglasi i obavještenja na web stranici Komore
- Besplatno uvrštavanje informacija u dnevni "Privredni servis" Komore



XIV SJEDNICA UPRAVNOG ODBORA KANTONALNE PRIVREDNE KOMORE TUZLA

Na XIV sjednici Upravnog odbora Kantonalne privredne komore Tuzla razmatran je i jednoglasno usvojen Izvještaj o radu u protekloj godini kao i Izvještaj o rezultatima finansijsko-materijalnog poslovanja Kantonalne privredne komore Tuzla za period januar-decembar 2011. godine. I ovaj dokument je usvojen uz zaključke da se u Izvještaju treba sve što je izneseno u obrazloženju dostaviti i u pismenoj formi, da se analizira od čega se sastoje tekuće obaveze, da se pokušaju uvesti određene promjene u plaćama uposlenih te u mehanizmu naplate komorske članarine. Članovima ovog komorskog tijela, na sjednici je prezentirana Informacija o položaju industrije tekstila, kože i obuće na području Tuzlanskog kantona, sa mogućnostima stimulisanja izvoza s obzirom na značajan broj uposlenika u ovoj djelatnosti. Analiziran je istorijat ovog sektora na našem području, istaknute prednosti domaće industrije, a dokument je sadržavao značajne statističke podatke koji ukazuju na stanje u ovoj oblasti za posljednjih nekoliko godina na području Tuzlanskog ali i svih kantona Federacije Bosne i Hercegovine, kao i tabelarni prikaz izvoza u prošloj godini po vrstama proizvoda. Upravni odbor jednoglasno je prihvatio Informaciju o "Položaju tekstilne industrije, kože i obuće na Tuzlanskom kantonu, mogućnosti stimulisanja izvoza obzirom na značajan broj uposlenika u ovoj djelatnosti" sa sljedećim predloženim zaključcima:

1. Uvođenje novih tehnologija i mogućnosti da se efektivno koriste.
2. Razvoj kapaciteta uskladiti sa potrebama evropskih kupaca za boljim kvalitetom i dinamikom isporuke.
3. Dugoročni razvoj sa snažnom tržišnom markom u ključnim segmentima kao alternative za LOHN poslove za postojeće proizvodne kapacitete.



4. Razvoj dizajna putem LOHN poslova, proizvodne kapacitete razvijati u cilju jačanja CEFTA i SEE tržišta.
5. Putem tržišta rada i upisne politike na Tuzlanskom kantonu i šire obezbijediti kvalifikovane kadrove za zanimanja u tekstilnoj industriji (tekstilni tehničari, krojači, modelari, dizajneri i dr.).
6. Obezbeđenje stimulacije za dodatno zapošljavanje sa Biroa rada za radnike u tekstilnoj i kožarskoj industriji (ženska radna snaga).

7. Smanjenje poreza i doprinosa u ovoj djelatnosti u cilju postizanja kontinuiteta na tržištu EU.
8. Podsticaj Vlade FBiH u fiksnom iznosu od 52 KM za izvozno orijentisane firme prema kriterijima broja zaposlenih i vrijednosti izvezeno robe.
9. Putem inspekcijskih organa otkloniti rad na crno u cilju zaštite firmi koje izmiruju obaveze prema državi.
10. Putem povoljnih kredita obezbijediti razvoj novih tehničko-tehnoloških kapaciteta u cilju novog zapošljavanja, s obzirom na cijenu radnog mjesta u ovoj djelatnosti i potreba za evropsko tržište.

Napomena: akcenat je potrebno staviti na zaključak broj 8. "Podsticaj Vlade FBiH u fiksnom iznosu od 52 KM za izvozno orijentisane firme prema kriterijima broja zaposlenih i vrijednosti izvezeno robe ili nekim drugim vrijednostima".

Razgovaralo se na kraju i o određenim kadrovskim promjenama pa je usvojen prijedlog da se za predstavnika Skupštine Kantonalne privredne komore Tuzla za mandatni period 2010-2014. godine izabere Hana Gazibara, dipl. pravnik, zaposlena u "New export" d.o.o. Kladanj u ime Udruženja za tekstil, kožu i obuću, umjesto Suada Čamdžića, dipl. ecc, koji je preuzeo dužnost u Ministarstvu poljoprivrede, vodoprivrede i šumarstva Vlade Federacije Bosne i Hercegovine.

V SJEDNICA SKUPŠTINE KANTONALNE PRIVREDNE KOMORE TUZLA

I Skupština Kantonalne privredne komore Tuzla je na redovnoj sjednici razmatrala Izvještaj o radu Kantonalne privredne komore Tuzla za 2011. godinu, Izvještaj o rezultatima finansijsko-materijalnog poslovanja za period januar-decembar 2011. godine Kantonalne privredne komore Tuzla, kao i Izvještaj Nadzornog odbora o uvidu u Finansijski izvještaj Komore za 2011. godinu. Prihvaćen je prijedlog Upravnog odbora da se za predstavnika Skupštine Kantonalne privredne komore Tuzla, za mandatni period 2010-2014. godine, izabere Hana Gazibara, dipl. pravnik, zaposlena u "New export" d.o.o. Kladanj ispred Udruženja za tekstil, kožu i obuću, umjesto Suada Čamdžića, dipl. ecc, koji je preuzeo dužnost u Ministarstvu poljoprivrede, vodoprivrede i šumarstva Vlade Federacije Bosne i Hercegovine. Usvojen je i prijedlog da se za

člana Upravnog odbora izabere Munever Novalić, dipl. ecc, direktor IMK "Kula" d.o.o. Gradačac, iz Udruženja tekstila, kože i obuće, umjesto mr. sc. Mirsada



Novalića, dipl. ecc., kome je prestao status člana u Upravnom odboru Komore zbog prelaska na dužnost zastupnika u Parla-

mentu Federacije Bosne i Hercegovine. Prihvaćen je Izvještaj o radu Kantonalne privredne komore Tuzla za 2011. godinu, uz primjedbu da nedostaje Izvještaj o radu Udruženja za šumarstvo i drvenu industriju. Predloženo je da se u narednom periodu sazove sjednica Udruženja u kojoj bi se dosadašnji članovi Odbora Udruženja mijenjali drugim članovima kako bi Udruženje vodilo aktivnosti u vezi sa problematikom šumarstva i drvne industrije, naročito pitanje podsticaja u drvnjoj industriji i sl. Skupština Komore jednoglasno je usvojila Izvještaj o rezultatima finansijsko-materijalnog poslovanja za period januar-decembar 2011. godine Kantonalne privredne komore Tuzla kao i Izvještaj Nadzornog odbora o uvidu u Finansijski izvještaj Komore za 2011. godinu.

D.K.



Aktivnosti u Komori

ODRŽANA OBUKA O KUĆNOM CARINJENJU – LOKALNO UVOZNO CARINJENJE

„Lokalno uvezno carinjenje u uvoznim carinskim postupcima i ovlaštenje primalac kao pojednostavljenje u postupku provoza“

Kantonalna privredna komora Tuzla u suradnji sa Upravom za indirektno - neizravno oporezivanje Bosne i Hercegovine organizirala je u Komori besplatnu obuku na temu „Lokalno uvezno carinjenje (kućno uvezno carinjenje) u uvoznim carinskim postupcima i ovlaštenje primalac kao pojednostavljenje u postupku provoza“. Obuka je obuhvatila sva pitanja relevantna za predmetne pojednostavljene

carinske postupke, počev od toga koje uslove zainteresirano lice mora ispuniti, kako se vrši provjera tih uslova i šta ona obuhvata kako kod carinskih organa, tako i kod samog podnosioca zahtjeva (prethodna kontrola podnijetog zahtjeva), način popunjavanja zahtjeva i njegovo podnošenje, koja dokumenta se prilažu uz zahtjev i kako pojedina od tih dokumenata treba sačiniti, zatim način sprovođenja tih pojednostavljenih postupaka i način komunikacije sa carinskim organima, koji su ciljevi i prednosti tih postupaka i koje obaveze proizlaze iz njihovog korištenja. Predavač na obuci bio je Stanislav Mikuž iz Carinske uprave Slovenije.



DODIJELJENI CERTIFIKATI POLAZNICIMA

Kantonalna privredna komora Tuzla, u suradnji sa Institutom za edukaciju Vanjskotrgovinske komore BiH organizovala je dodjelu certifikata polaznicima „Škole poslovnog engleskog jezika“. Kantonalna privredna komora Tuzla u suradnji sa Institutom za edukaciju Vanjskotrgovinske komore BiH, organizovala je besplatnu „Školu poslovnog engleskog jezika za poduzetnike“ (English Business School) namijenjenu uposlenicima malih i srednjih preduzeća s područja Tuzlanskog kantona. Projekat je za cilj imao unapređivanje znanja



poslovnog engleskog jezika kod polaznika, kao što su: usvajanje poslovne terminologije, ovladavanje poslovnim prepiskom, te unapređivanje usmene poslovne komunikacije. U prvom ciklusu je ukupno 38 kandidata, uposlenika malih i srednjih preduzeća, uspješno položilo završni ispit i njima će biti dodijeljeni certifikati High elementary (B1), Intermediate (B2) i Upper Intermediate (C1) nivoa. Kantonalna privredna komora Tuzla planira i u narednom periodu nastaviti s organizovanjem ove edukacije za privrednike.

ERDF PROGRAM TRANSNACIONALNE SARADNJE MEDITERAN (MED) IZ PODRUČJA INOVACIJA I ZAŠTITE ŽIVOTNE SREDINE

Kantonalna privredna komora Tuzla u suradnji sa Direkcijom za evropske integracije Bosne i Hercegovine organizovala je krajm marta info dan i prezentaciju ciljanog poziva za podnošenje projektnih prijedloga u okviru ERDF Programa transnacionalne saradnje Mediteran (MED) iz područja inovacija i zaštite životne sredine. Predstavници Direkcije za evropske integracije BiH i Ureda za vezu sa IPA zemljama u Solunu – MED/IPA Liaison Office su prezentirali trenutno otvorene pozive u okviru MED programa te upoznali prisutne sa budućim pozivima, s ciljem što uspješnijeg učešća aplikanta iz BiH u ovom programu. Upravljačko tijelo Evropskog fonda za regionalni razvoj (ERDF) Programa transnacionalne

saradnje MED, raspisalo je javni poziv za dostavu projektnih prijedloga iz



područja inovacija i zaštite okoliša te iz područja transporta. Sredstva su dostupna za projekte koji se moraju fokusirati na jačanje inovacijskih kapaciteta i to u cilju promocije inovacijskih tehnologija i prijenosa znanja kao i promocije strateške saradnje između kompanija i javnih tijela. Što se tiče zaštite okoliša projekti moraju biti orijentirani na promociju obnovljivih izvora energije i poboljšanje energetske efikasnosti. Cilj ovog poziva je da se bolje identifikuju i potom ojačaju inovativni kapaciteti malih i srednjih preduzeća (MSP) MED regiona, kao i da se podrži sprovođenje inovativnih rješenja za obnovljive izvore energije i energetska efikasnost mediteranskih gradova.



Aktivnosti u Komori

PORESKA REFORMA U FUNKCIJI INVESTICIJA I ZAPOŠLJAVANJA

Koordinacioni odbor udruženja Kantonalne privredne komore Tuzla u saradnji sa Federalnim zavodom za programiranje razvoja Federacije Bosne i Hercegovine, organizovao je u Kantonalnoj privrednoj komori Tuzla prezentaciju dokumenta „Poreska reforma u funkciji investicija i zapošljavanja“. U raspravi su, pored članova Koordinacionog odbora, učestvovali i predstavnici nekoliko ministarstava iz Vlade Tuzlanskog kantona, predstavnici privrednih subjekata, Komore, kao i članovi akademske zajednice Tuzlanskog kantona. Federalni zavod za programiranje razvoja sačinio je dokument pod nazivom „Poreska reforma u funkciji investicija i zapošljavanja“, u kojem je sadržana reforma poreskog sistema u Federaciji BiH, kojom se radikalno mijenja sadašnji sistem poreza i doprinosa, istaknuto je na prezentaciji. Direktor ovog Zavoda, Ljubiša Đapan, je istakao da je suština prijedloga provođenje prirodno neutralne poreske reforme koja bi značajan dio fiskalnog opterećenja



zarada prebacila na oporezivanje potrošnje. Ekonomska analiza sugerirala da bi predložena poreska reforma vodila efikasnijoj raspodjeli resursa, stimulirala bi se zapošljavanje i proizvodnja,

dok bi se destimulirali potrošnja i uvoz. Promjena poreskog sistema bi pomogla da se ublaže najveće makroekonomske neravnoteže bh. ekonomije, a to su visok trgovinski deficit, visok nivo potrošnje

i nizak nivo investicija, naglašeno je. Navedenim dokumentom predviđeno je rasterećenje privrede kao pretpostavka za rast investicija i zapošljavanja te ukupnog ekonomskog rasta u društvu kao cjelini.

“Prebacivanjem poreskog tereta sa oblasti najviših poreskih utaja na oblast gdje je najteže vršiti poreske utaje, a to je PDV, automatski bi se smanjio obim sive ekonomije i zaštitili bi se privredni subjekti koji posluju u legalnim tokovima od neloyalne konkurencije i, uz određene političke i ekonomske promjene, moglo bi doći i do dvostruko većeg broja zaposlenih. Kada privreda dobija, bilo kojom reformom, onda dobijaju svi, a posebno građani u dugoročnom periodu”, istakao je Ljubiša Đapan na prezentaciji koja je u najvećoj mjeri dobila podršku i pozitivne ocjene. Zaključak je da se iz Komore, koja je prva reagovala na ovaj dokument, pokrene inicijativa za podršku predloženog dokumenta, kako na nivo cjelokupnog komorskog sistema Federacije, tako i prema Kantonalnoj i Federalnoj Vladi.

ATA KARNET U KOMORI TUZLA – POČELI SA RADOM UREDI VTK

Od kraja februara počelo je izdavanje ATA karneta i u Mostaru, Banjoj Luci i Tuzli. Vanjskotrgovinska komora Bosne i Hercegovine, koja konstantno poboljšava svoje usluge, osigurala je uvjete da postojeći i budući korisnici ATA karneta sve zahtjeve koji se odnose na izdavanje ATA karneta, dodatnih listova, pružanje informacija o ATA sistemu i drugo, počev od 27.2.2012. godine, mogu po vlastitom izboru mjestu podnošenja zahtjeva ili obraćanja, u cijelosti regulirati u Sarajevu, Mostaru, Tuzli i Banjoj Luci. Podizanje dokumenata vrši se na mjestu gdje je zahtjev i podnesen.

“Kada su u pitanju izdati ATA karneti i dodatni listovi u periodu od 27. februara do kraja aprila 2012. godine, značajno je pomenuti da je u naš Ured pristiglo 38 zahtjeva. Među tim zahtjevima je bilo 20 zahtjeva za izdavanje ATA karneta i 18 zahtjeva za izdavanje dodatnih listova za ATA karnet. Od 20 zahtjeva za izdavanje ATA karneta 12 zahtjeva su podnijela fizička lica iz općina Tuzla, Kalesija, Derventa, Bijeljina, Miričina, Gradačac, Orašje, Tešanj, Srebrenik, a 7 zahtjeva su podnijele firme iz Tuzle, Gračanice, Doboja, Bijeljine, Brčkog. Jedan zahtjev je uputilo Udruženje obrtnika “Stari i umjetnički zanati” Tuzla. U istom periodu 14 fizičkih lica podnijelo je zahtjev

za izdavanje dodatnih listova, a ostala 4 zahtjeva stigla su u ime privrednih društava”, izjavila je Suada Rekić, stručni saradnik u Uredu za pružanje informacija o ATA sistemu i izdavanje ATA karneta Vanjskotrgovinske komore u Tuzli. Sve dodatne informacije, kao i potrebne upute o ATA sistemu i obrasce, zainteresirani mogu pronaći na web stranici Vanjskotrgovinske komore BiH, www.komorabih.ba ili direktno – na osnovu dole navedenih kontakt informacija, kao i u Uredu Vanjskotrgovinske komore Bosne i Hercegovine u Tuzli, pri Kantonalnoj privrednoj komori Tuzla – Trg slobode bb – 75000 Tuzla, tel./fax: +387/35/258-266 i fax: +387/35/258-271, e-mail: atatz@komorabih.ba – kontakt osoba: Suada Rekić.

- Udruženje poljoprivrednika, poljoprivrednih inženjera i tehničara Gračanica
- PU Centar za obrazovanje odraslih Gračanica
- Moja banka dd Sarajevo Filijala Tuzla
- “Yazar” Doo Brčko Distrikt
- “Borplastika Eko” d.o.o Tuzla

D.K.

NOVE ČLANICE KOMORE

U posljednjih mjesec-dva ponovo je zabilježeno interesovanje za članstvo u Kantonalnoj privrednoj komori Tuzla. Evo novih članica:

- Udruženje “Gračaničko keranje” Gračanica



FS 71622



Aktivnosti komorskih udruženja ...

SJEDNICA ODBORA UDRUŽENJA ZA TRGOVINU, UGOSTITELJSTVO I TURIZAM

Turistička zajednica Tuzlanskog kantona bila je domaćin redovne sjednice Odbora Udruženja za trgovinu, ugostiteljstvo i turizam Kantonalne privredne komore Tuzla

Razgovaralo se o izradi turističke ponude Tuzlanskog kantona za turističke agencije, a u cilju oživljavanja receptivnog turizma na području Tuzlanskog kantona. Kako je istakla Suada Morankić, pomoćnica direktora Ureda Turističke zajednice Tuzlanskog kantona, dogovoreno je da se formira radna grupa od članova Turističke zajednice i Kantonalne privredne komore Tuzla. *“Sastanak je poslužio da postignemo dogovor oko formiranja radne grupe čiji zadatak će biti izrada ponude turističkih potencijala Tuzlanskog kantona. Naša želja je da se oživi receptivni turizam, da uključimo turističke agencije u organizovanje turističkih putovanja i ekskurzija i da što duže zadržimo turiste na području Tuzlanskog kantona”*, istakala je pomoćnica Morankić. Razgo-

varalo se na sjednici Odbora i o raspodjeli sredstava po osnovu Programa sufinansiranja mladih osoba bez iskustva “400+” od 27. 4. 2011. godine. *“Postignut je dogovor da ponovo uputimo zahtjev Zavodu za zapošljavanje Tuzlanskog kantona za dostavljanje Odboru informacije o raspodjeli sredstava po osnovu Programa sufinansiranja mladih osoba bez iskustva “400+” od 27. 4. 2011. godine. Članice ovog Udruženja su aplicirale na ovaj program ali, nažalost, nismo dobili nikakvu povratnu informaciju. Ovo je ponovljena tačka dnevnog reda upravo iz razloga što želimo uspostaviti kvalitetniju saradnju sa Zavodom, u odnosu na prethodni period,*



kada ta saradnja, moramo to istaći, nije bila na zadovoljavajućem nivou. Potrebno nam je više informacija, privreda traži i podatke o nezaposlenim osobama koje su u evidenciji Zavoda. To je do sada predstavljalo komplikovanu proceduru a smatramo da to mogu biti korisne informacije i da ova procedura nanosi štetu privredi. Neophodno je što prije prevazići te probleme”, istakao je Kasim Selimović, predsjednik Odbora Udruženja za trgovinu, ugostiteljstvo i turizam Kantonalne privredne komore Tuzla. Naredna sjednica Odbora biće održana u maju.


Odbor Udruženja za energetiku, industriju i rudarstvo

PODRŠKA IZGRADNJI TERMOENERGETSKIH SISTEMA U BANOVICIMA I TUZLI

Na posljednjem sastanku proširenog Odbora grupacije za mlijeko TK-a, razmatrana je aktualna problematika sa osvrtom na cijenu mlijeka i njen uticaj na održivost proizvodnje mlijeka. Razgovaralo se o neisplaćenim kantonalnim novčanim podsticajima iz 2011. godine. Vođena je i rasprava o dopisu resornog Ministarstva otkupnim stanicama o isteku rješenja o registraciji otkupnog mjesta i potrebnoj dokumentaciji za ponovnu registraciju otkupnog mjesta za mlijeko, kao i o primjeni Uredbe o kontroli kvaliteta mlijeka. Nakon iscrpne rasprave usvojeni su sljedeći zaključci:

1. Da otkupljivači – pravna lica i stanice direktnog otkupa – fizička lica, koji imaju ugovore sa prerađivačima mlijeka – mljekarama o plasmanu mlijeka, u cilju zadržavanja dostignutog nivoa

proizvodnje mlijeka, upute zahtjev za povećanje cijene otkupa svježeg mlijeka u iznosu od 0,10 KM/l – što znači 0,173 KM/mj.



2. Da nadležna ministarstva Federacije i Kantona, pod hitno i prioritarno isplate zaostale subvencije proizvođačima mlijeka, te u programima novčane podrške za 2012. god. strateški na duži period značajnije podrže robne proizvođače mlijeka.
3. Da se Federalnom ministarstvu poljoprivrede uputi zahtjev za pojednostavljenje procedure za registraciju otkupnih stanica koje spadaju u kategoriju objekta u domaćinstvu.
4. Da se Federalnom ministarstvu poljoprivrede uputi dopis, da su u Uredbi o kontroli kvaliteta svježeg-sirovog mlijeka preoštri, odnosno visoko postavljani standardi klasa mlijeka – po broju bakterija i somatskih ćelija, u odnosu na uvjete na terenu.

Odbor Grupacije za mlijeko TK

ZAKLJUČCI PROŠIRENOG ODBORA GRUPACIJE ZA MLIJEKO TK

Na posljednjem sastanku proširenog Odbora grupacije za mlijeko TK, razmatrana je aktualna problematika sa osvrtom na cijenu mlijeka i njen uticaj na održivost

proizvodnje mlijeka. Razgovaralo se o neisplaćenim kantonalnim novčanim podsticajima iz 2011. godine. Vođena je i rasprava o dopisu resornog Ministarstva

otkupnim stanicama o isteku rješenja o registraciji otkupnog mjesta i potrebnoj dokumentaciji za ponovnu registraciju otkupnog mjesta za mlijeko, kao i o



primjeni Uredbe o kontroli kvaliteta mlijeka. Nakon iscrpne rasprave usvojeni su sljedeći zaključci:

1. Da otkupljivači – pravna lica i stanice direktnog otkupa – fizička lica, koji imaju ugovore sa prerađivačima mlijeka – mljekarama o plasmanu mlijeka, u cilju zadržavanja dostignutog nivoa proizvodnje mlijeka, upute zahtjev za povećanje cijene otkupa svježeg mlijeka u iznosu od 0,10 KM/l – što znači 0,173 KM/mj.
2. Da nadležna ministarstva Federacije i Kantona, pod hitno i prioritarno isplate zaostale subvencije proizvođačima

3. Da se Federalnom ministarstvu poljoprivrede uputi zahtjev za pojednostavljenje procedure za registraciju otkupnih stanica koje spadaju u kategoriju objekta u domaćinstvu.
4. Da se Federalnom ministarstvu poljoprivrede uputi dopis da su u Uredbi o kontroli kvaliteta svježeg-sirovog mlijeka preoštri, odnosno visoko postavljeni standardi klasa mlijeka – po broju bakterija i somatskih ćelija, u odnosu na uvjete na terenu.



Odbor Sekcije za unutrašnji prijevoz putnika

SJEDNICA PROŠIRENOG ODBORA SEKCIJE

Odbor Sekcije za unutrašnji prijevoz putnika Kantonalne privredne komore Tuzla održao je sjednicu proširenog Odbora. Razmatrana je problematika u prijevozu putnika povodom poskupljenja goriva. Zaključeno je da se uputi dopis Federalnom i Kantonalnom ministarstvu prometa i komunikacija, Vladi Tuzlanskog kantona, u kojem se traži da se vlast odrekne određenih „name-ta“ na cijenu goriva (akcize, putarine), jer vlast cijenom goriva želi da sanira gubitke Željeznica Federacije. Ponovo je potrebno uputiti dopis Vladi Tuzlanskog kantona, kao i općinskim vijećima vezano za subvencioniranje učenika i penzionera, jer do sada su subvencioniranje vršili isključivo prijevoznici. Kada je u pitanju usklađivanje redova vožnje na Tuzlanskom kantonu, istaknuto je da Ministarstvo trgovine, turizma

i saobraćaja mora izvršiti usklađivanje kantonalnih redova vožnje, jer Zakon



nalaze da se usklađivanje vrši svake treće godine, a ovo Ministarstvo nije

izvršilo usklađivanje već sedmu godinu. Također, rečeno je da ima zahtjeva od pojedinih općina, odnosno mjesnih zajednica na Tuzlanskom kantonu, za otvaranje novih linija i polazaka u prevozu, kao i od strane samih prevoznika. Zaključeno je na sjednici i da se ponovo uputi zahtjev za tumačenje Rješenja o produženju važnosti privremeno obustavljenog održavanja polaska ili voznog reda i privremeno registriranih voznih redova. Na kraju, zaključeno je da se cijene prijevoza usklade sa rastom cijena goriva i na nivou Udruženja, da se prijevoznici između sebe dogovore oko cijena prijevoza na kantonalnim linijama, da se povećaju cijene dažkih mjesečnih karti za 20%, a karte radnika za 15% te da prijevoznici, u cilju izbjegavanja stvaranja gubitka, ukinu subvencije voznih karata.

Održana redovna sjednica Odbora

UDRUŽENJE OVLAŠTENIH PRODAJNO-SERVISNIH DRUŠTAVA MOTORNIH VOZILA NA TUZLANSKOM KANTONU

Sjednica je organizovana u cilju priprema za javnu raspravu koju organizuje Ministarstvo trgovine, turizma i saobraćaja Tuzlanskog kantona na inicijativu ovog komorskog Udruženja a na temu “Uvoz i prodaja rabljenih automobila – neovlaštena trgovina i zloupotreba”. Uvodne napomene po ovoj temi dao je Pejo Nišandžić, predsjednik Odbora Udruženja a nakon rasprave, članovi Odbora Udruženja su usaglasili zaključke koje bi trebalo iznijeti na javnoj raspravi. Zaključeno je da se pokrene inicijativa zaustavljanja rada na crno, kao što su autootpadi, uvoz i trgovina rabljenih automobila, neregistrovane servisne radionice koje zajedno sa osiguravajućim kućama rade na smanjenju likvidacije štete itd, jer tako gube ne samo registrovane firme, nego i sama država, jer rad na crno ne plaća poreze i doprinose predviđene Zakonom. Od mjesnih povjerenika se traži

da popišu u svojim mjesnim zajednicama sve one koji rade, bez obzira da li su registrovani ili rade na crno, i taj spisak dostave



resornom ministarstvu i inspekciji, koji bi radili na otklanjanju rada na crno. Neophodno je razgovarati o pitanju fiskalizaci-

je kao i o pitanju ekologije, odnosno odlaganju opasnog otpada od onih firmi koje rade na crno. Svi zakoni koji su doneseni adekvatno se trebaju primjenjivati, a na Zakon o uvozu rabljenih automobila potrebno je donijeti prateće akte u kojima bi se navelo ko može uvoziti rabljena auta, kako i na koji način ograničiti fizičkim licima uvoz rabljenih automobila. Neophodno je pooštriti ekološke kriterije i zahtijevati da se autopijace registruju, da inspekcije traže i od njih svu tehničku ispravnost. I pitanje poreza za turističke zajednice i šume je i dalje aktuelno kao i zahtjev da se zabrani uvoz onoga što se proizvodi kod nas i postoji na našem tržištu i da se pokrene inicijativa oko reciklaže guma u sirovinu. Od resornog ministarstva i inspekcije se zahtijeva da se Zakon o trgovini sprovedi i da se također donesu prateći akti.

D.K.



Iz Udruženja za energetiku, rudarstvo i industriju ...

BLOK 7 TE TUZLA – PRIORITETNI CILJ

Podrška Planu poslovanja za 2012. - 2014. – Podrška inicijativi za organizaciju sastanka sa Erdalom Trhuljem, ministrom za energiju, rudarstvo i industriju u FBiH

Odbor Udruženja za energetiku, rudarstvo i industriju Kantonalne privredne komore Tuzla, održao je 6. marta sjednicu proširenog Odbora na temu „Stanje i perspektive energetskog sektora na području Tuzlanskog kantona“. Informaciju o dosadašnjim aktivnostima i neposrednim zadacima na pripremi izgradnje bloka 7 u Termoelektrani Tuzla i Informaciju o Planu poslovanja JP Elektroprivreda BiH za period 2012. - 2014. godine, prezentovao je Jusuf Merić, rukovodilac Sektora za TE u JP EP BiH.

“Poznato je da Tuzlanski kanton čini okosnicu rudarsko-industrijskih kapaciteta i ostvaruje više od četvrtine industrijske proizvodnje Federacije BiH. Također, na području Tuzlanskog kantona zaposlena je četvrtina zaposlenih industrijskih radnika Federacije BiH, više od polovine rudara BiH i petina registriranih industrijskih firmi Federacije BiH. Iako nema zvaničnih obračuna, ipak postoje relevantne estimacije da se više od 50% GDP na području Tuzlanskog kantona ostvaruje iz energetskog sektora. Prema planskim dokumentima predviđen je reinženjering sektora energetike na ovom kantonu, koji će morati da se prestruktuiru i modernizuje da bi i dalje predstavljao okosnicu ekonomije i razvoja sa fokusom na modernu energetiku. To podrazumijeva i promjenu paradigme razvoja ovog sektora i pozicioniranje kao regionalnog termoenergetskog centra. U tom smislu, svi akteri današnjeg skupa jednoglasno su donijeli zaključke kojima se daje puna podrška aktivnostima neophodnim za realizaciju Plana poslovanja JP Elektroprivreda BiH za period 2012. - 2014. godina”, izjavio je Nurudin Žunić, sekretar Udruženja za energetiku, rudarstvo i industriju Kantonalne privredne komore Tuzla.



Članovi Odbora Udruženja energetike, rudarstva i industrije kao i Željko Knežiček, ministar za industriju, energetiku i rudarstvo u Vladi Tuzlanskog kantona, donijeli su zaključak da se uputi puna podrška JP Elektroprivreda BiH na realizaciji Plana poslovanja za period 2012.-2014. godina. Ovim Planom se, između ostalog, predviđa kao dugoročni strateški i prioritetni cilj, realizacija izgradnje bloka 7 u TE Tuzla, revitalizacija bloka 6, te ulaganja u prestrukturiranje rudnika. Ujedno, ukazuje se i na potrebu snažnijeg aktiviranja svih zainteresiranih na izgradnji TE Banovići, što je preduslov opstanka rudarstva na području Tuzlanskog kantona i održivog razvoja. Također, sa ovog skupa je upućena i podrška inicijativi za organizaciju sastanka sa Erdalom Trhuljem, ministrom za energiju, rudarstvo i industriju u Federaciji Bosni

i Hercegovini. O značaju tema koje su se našle na Dnevnom redu sjednice Odbora Udruženja za energetiku, rudarstvo i industriju Kantonalne privredne komore Tuzla, zorno govori i činjenica da su skupu prisustvovali vodeći stručnjaci iz oblasti koje obuhvata ovo Udruženje i iz vodećih privrednih subjekata: Ahmed Zonić – GIKIL Lukavac; Zuhdija Aganović – GIKIL Lukavac, Eldar Pirić – “Rudarski institut” Tuzla; Irfan Hadžihafizbegović – Rudnik Kreka; Jasenko Baralić – JP EP BiH; Enver Gazibegović – JP EP BiH; Izet Delalić – JP EP BiH; doc. dr. Željko Knežiček, ministar u MIER u Vladi TK, Aziz Hodžić – Cimos TMDAI Gradačac; doc. dr. Kazafer Bečić – Elektromont Banovići; Zijad Rahimić, direktor Rudnika Đurđevik; Jusuf Merić – JP EP BiH.

D.K.





Aktivnosti komorskih udruženja ...

IZBORNA SKUPŠTINA UDRUŽENJA ZA ŠUMARSTVO I PRERADU DRVETA

Udruženje za šumarstvo, preradu drveta, papirne i grafičke djelatnosti Kantonalne privredne komore Tuzla održalo je Izbornu Skupštinu Udruženja. Na sjednici je razmatran Pravilnik o organizovanju Granskog Udruženja za šumarstvo, preradu drveta, papirnu i grafičku djelatnost, izvršen izbor organa Udruženja te razmatran prijedlog aktivnosti rada Udruženja u 2012. godini. Plan rada Udruženja za šumarstvo, preradu drveta, papirnu i grafičku djelatnost zasniva se na aktima organizacije Kantonalne privredne komore Tuzla a osnovni pravci djelovanja Udruženja bit će usmjereni na nekoliko, jasno utvrđenih i usaglašenih oblasti. Prije svega, na saradnju sa resornim ministarstvima TK, FBiH i MVTEOBiH u cilju koordiniranog nastupa kod donošenja zakonodavnih akata, vođenja carinske politike, mjera ekonomske politike, mjera zaštite domaće proizvodnje, obezbjeđenja kvalitetnih investicijskih sredstava za razvoj. Na sjednici je u raspravi o pravcima djelovanja Udruženja, istaknuta neophodnost intenziviranja unutrašnje saradnje članica na polju nabavki, tehnologija i

dom resornih udruženja u Privrednoj komori Federacije Bosne i Hercegovine, odnosno, Vanjskotrogovinskoj komori Bosne i Hercegovine. Značajno je pomenuti da su sjednici prisustvovali Zdeno Laštro i Šemsa Alimanović iz Grupacije za šumarstvo u Privrednoj komori Federacije Bosne i Hercegovine te Fuad Hadžimehmedović iz Ministarstva za razvoj i poduzetništvo Tuzlanskog kantona.

“Potrebno je uticati na vladajuće strukture da podrže oblast šumarstva, pruže maksimalnu pomoć, jer ovaj sektor je u veoma nepovoljnom položaju. Počev od činjenice da ne postoji Zakon o šumama, što predstavlja veliki problem. Dajemo punu podršku radu Udruženja za šumarstvo, preradu drveta, papirne i grafičke djelatnosti Kantonalne privredne komore Tuzla i pozivamo vas da u narednom periodu ostvarimo bolju saradnju sa Grupacijom za šumarstvo u Privrednoj komori Federacije Bosne i Hercegovine”, istakao je Zdenko Laštro. Izabrani su članovi Odbora Udruženja. Ovo tijelo će sačinjavati predstavnici slijedećih firmi: „Renesansa” i „Malagić” iz Živinica,



plasmana, značaj podrške Vlade TK-a novim tehnologijama i proizvodima u cilju zapošljavanja a ujedno i aktualiziranje podsticaja Vlade TK-a drvnoj industriji. Potrebno je pokrenuti inicijativu za izmjene i dopune zakona o privrednim društvima te za izradu strategije razvoja šumarstva i drvne industrije TK. U ovoj godini se očekuje i organizovanje javnih sastanaka o izradi metodologije inventure šuma kao i aktivno učešće Udruženja na uvođenju certificiranja u šumarstvu, izrada baze podataka potreba prerađivača drveta za inputima proizvodnje te izrada poslovnih odnosa i razvoj partnerstva u cilju organizacionog razvoja u potencijalni klaster šumarstva i drvne industrije. Jedan od zadataka je i izrada Kataloga drvne industrije TK, šumskih resursa TK, plana sječe i godišnjih potreba drvne industrije TK, ukupnih površina za pošumljavanje, plan pošumljavanja za 2012. godinu i predstavljanje na sajmovima u zemlji i inostranstvu. Kada je u pitanju ocjena Plana gazdovanja šumama te propisi i akti EU koji su potrebni članicama u fazi pridruživanja u EU, od velikog značaja bi mogla biti koordinacija rada Udruženja sa ra-

„Namještaj” Gradačac, „Jadrina” i „Benprom” iz Gračanice, „Furnir Fix” Doboj Istok, „Izazov” Kalesija i „Šume TK” Kladanj. Potvrđen je izbor Ramiza Grapkića iz firme „Jadrina” Gračanica za predsjednika Odbora Udruženja. Dopredsjednik je Refik Hodžić iz „Šuma TK” Kladanj.

„Neophodno je da se udružimo, da bolje saradujemo, da budemo jedinstveni. Da u narednom periodu iskoristimo ovo Udruženje i preciziramo proizvodne programe, razmijenimo informacije, iskustva, znanja, pomognemo jedni drugima. Trebamo zajednički aplicirati na velike projekte, zajednički nastupati i maksimalno se uključiti u sve aktivnosti kako bi svima bilo bolje”, poručio je Ramiz Grapkić, direktor Tvornice namještaja „Jadrina” Gračanica i predsjednik Odbora Udruženja. Došlo je i do promjene u nazivu Udruženja. U narednom periodu ovo komorsko Udruženje će nositi naziv Udruženje za šumarstvo i drvnu industriju a biće pokrenuta inicijativa za organizovanje Udruženja papirne i grafičke industrije.

D.K.



PIVARI U ZAŠTITI DOMAĆE PROIZVODNJE

VRATIMO RADNA MJESTA KUPUJUĆI DOMAĆE

Proizvođači piva u Bosni i Hercegovini pozvali vlast da zaštiti domaću proizvodnju – Vratimo naša radna mjesta kupovinom domaćih proizvoda

Predstavnici Grupacije pivara Bosne i Hercegovine, koja zastupa interese svih pet proizvođača piva u našoj zemlji, susreli su se u Tuzli, kako bi uputili zahtjev Vijeću ministara Bosne i Hercegovine da poduzme korake zaštite domaće proizvodnje. Lošom politikom, koja stimulira uvoz piva, država godišnje gubi više od šezdeset miliona maraka. Stoga su pivari zatražili razgovor sa Mirkom Šarovićem, ministrom vanjske trgovine i ekonomskih odnosa BiH, na kojem će dati prijedloge kako provesti zaštitu domaće proizvodnje piva kroz promjenu akcizne politike.

Na ovaj način bi se, kako je rekao Edin Ibrahimpašić, predsjednik Grupacije pivara i direktor Bihačke pivovare, otvorila nova radna mjesta, povećao izvoz i u državnu kasu bi došla značajna finansijska sredstva.

Pivari su uvjereni da će kod ministra Šarovića naići na veći stepen razumijevanja u odnosu na njegovog prethodnika, ministra Mladena Zirojevića, koji je odbio zahtjev pivara za zaštitu od prekomjernog uvoza u okviru regionalne zone slobodne trgovine CEFTA, opravdavajući svoju inertnost strahom da nadležno ministarstvo ne povrijedi odredbe sporazuma. Pivari, međutim, naglašavaju da sporazum CEFTA ne zabranjuje uvođenje akciza, jer upravo ovakav način koriste zemlje potpisnice sporazuma kako bi zaštitile domaću proizvodnju. Ukoliko se primijeni model koji su ponudili pivari, taj princip će omogućiti i drugim proizvođačima da izbjegnu nelojalnu konkurenciju kojoj su postojećim propisima izloženi. Čak se takvim razvojem događaja, može očekivati i snižavanje cijena domaćih proizvoda. Stoga je važno da i sami potrošači u podršci domaćoj proizvodnji vide svoju šansu, kako kroz

ZAKON O VANJSKOTRGOVINSKOJ POLITICI BiH

Član 31.

1. Vijeće ministara BiH propisuje primjenu zaštitnih mjera na proizvod kada utvrdi da se takav proizvod uvozi u Bosnu i Hercegovinu u povećanim količinama. Apsolutno ili relativno u odnosu na domaću proizvodnju i pod takvim uvjetima pod kojima se prouzrokuje ili prijeti opasnost ozbiljne povrede domaće proizvodnje istih ili sličnih proizvoda.
2. Prijedlog zaštitnih mjera sačinjava Ministarstvo vanjske trgovine BiH uz pribavljeno mišljenje entiteta.
3. Ovakve zaštitne mjere se primjenjuju na proizvod koji se uvozi bez obzira na porijeklo.

Član 34.

1. Smatra se da postoji dumping kada se neka roba uvozi po cijeni koja je niža od tržišne cijene ili proizvodnih troškova u zemlji porijekla, odnosno u zemlji izvoza, pri čemu izaziva ili prijeti da izazove ozbiljnu štetu privredi BiH, ili ako takav uvoz usporava razvoj određene grane privrede BiH.
2. Vijeće ministara BiH propisuje definicije, uvjete i procedure antidampinške istrage, te mjere i rokove antidampinške zaštite.

manje troškove, tako i kroz dodatna zapošljavanja. Pivari su tokom razgovora u Tuzli, iznijeli porazne podatke koji se zasnivaju na zvaničnim podacima Uprave za indirektno oporezivanje, a koji kažu da se u Bosnu i Hercegovinu godišnje uveze oko 12.000 šlepera piva, odnosno 1,4 miliona hektolitara (HL), što našu zemlju stavlja na čelo evropske liste uvoznika piva. Izraženo u novcu, BiH godišnje uveze piva u vrijednosti preko 130 miliona maraka. S ovim količinama pokriva se oko šezdeset procenata domaćih potreba, što je i u svjetskim razmjerama frapantan podatak, vjerovatno nezabilježen u povijesti pivarstva, posebice stoga što države putem proizvodnje piva kroz akcize i druge nameće, ostvaruju ogromne prihode u svojim proračunima.

Primjerice, zahvaljujući domaćinskom odnosu Srbija uvozi manje od deset posto svoje potrošnje, dok Hrvatska uveze manje od pet posto, rigorozno kontrolirajući svaku bocu piva koja treba ući na njenu teritoriju. U susjednim zemljama nisu uvedene dodatne akcize na uvoz, ali je stroga politika uvoza onemogućila pivare, recimo iz BiH, da plasiraju svoje proizvode u ove zemlje. U vrijeme teške ekonomske krize država mora poduzeti korake kako bi zaštitila svoje građane, a samo domaća proizvodnja, smatraju pivari, može omogućiti otvaranje novih radnih mjesta. U tom smislu, proizvođači piva su pozvali građane Bosne i Hercegovine, da prilikom kupovine bilo kojega proizvoda, prvo pogledaju da li imaju kvalitetan domaći proizvod, jer je to zapravo jedini način da sami sačuvaju svoja radna mjesta.

BMG





POTPISAN UGOVOR O KONCESIJI – OBEZBIJEĐENI PREDUSLOVI ZA NASTAVAK PROIZVODNJE U RUDNICIMA “KREKA“



Potpisivanjem Ugovora o koncesiji između Ministarstva industrije, energetike i rudarstva TK i Rudnika „Kreka“ stvoreni su preduslovi za neometan nastavak proizvodnje uglja tokom 2012. godine u rudnicima Dubrave, Mramor, Šikulje i Bukinje. Potpisivanjem ovog jednogodišnjeg ugovora rješava se pitanje eksploatacije za tekuću godinu, tokom koje se očekuje donošenje Zakona o koncesijama Federacije Bosne i Hercegovine, a što će omogućiti da se ugovori o koncesiji za eksploataciju uglja zaključuju na znatno duže periode. Dugoročni ugovori za koncesije su posebno bitni za Rudnike „Kreka“ iz razloga omogućavanja uslova da Rudnici u budućem periodu sklapaju duže strateške ugovore o isporuci uglja, posebno ako se uzme u obzir planirana izgradnja Bloka 7 u Termoelektrani Tuzla, istakli su ministar industrije energetike i rudarstva Željko Knežiček i direktor Rudnika Rešad Husagić. S obzirom da je raspodjela sredstava prikupljenih od koncesija definirana tako da 80% sredstava ide lokalnim zajednicama na čijem se području vrši eksploatacija, ministar Knežiček je pozvao Rudnike da se pridržavaju reprograma za isplatu prethodnih dugovanja po ovom osnovu, a sve kako bi se općinama omogućio kvalitetniji razvoj. Preostalih 20% sredstava koja se usmjeravaju u kantonalne budžete, Vlada Tuzlanskog kantona i Ministarstvo industrije, energetike i rudarstva će usmjeriti u razvojne programe i dalja istraživanja prirodno-mineralnih resursa, saopćeno je iz Odjeljenja za informisanje Vlade Tuzlanskog kantona.

“ZALOGAJ KOJI SE PAMTI!“

OSVJEŽENI POLLO IZGLED I NOVA LINIJA PURE Iz mesne industrije “MENPROM”, svojim dragim potrošačima ovog proljeća predstavljaju dvije novosti. Jedna je osvježeni izgled za ambalažu Pollo brenda. Na ovaj način, cjelokupna linija pilećih hrenovki i pilećih salama stavljena je pod jedno,

Novosti iz privrede ...

kupcima već dobro poznato ime – Pollo. Kompletirana je Pollo linija u kojoj svi mogu naći svoj omiljeni Pollo proizvod. Pored novog dizajna, radilo se i na kvaliteti, te sada ljubitelji Menpromovih proizvoda sa oznakom “Pollo”, mogu uživati u još boljem okusu. Slogan koji prati novi



dizajn je „Zalogaj koji se pamti!“. Također, ovog proljeća gurmanima su ponuđeni novi proizvodi od purećeg mesa. Proizvodi iz nove linije Pure proizvedeni su od najkvalitetnijeg purećeg mesa, te predstavljaju vrhunski delikates. Kako imaju niži sadržaj masnoće, savršeni su izbor za one koji brinu o lakoj i zdravoj ishrani. Nova linija Pure obuhvata dimljena pureća prsa u ovitku i pureću šunku. U “Menpromu” su sigurni da će svako pronaći svoj omiljeni Pure proizvod. U proizvodnji se koristi najsavremenija tehnologija, a o kontroli kvalitete proizvoda brine čitav tim stručnjaka. Pure 100 gr je pakovan u najsavremenijoj ambalaži za ovu vrstu proizvoda pod kontrolisanom atmosferom – MAP-u (modified atmosphere packaging). Prednosti ovakvog načina pakovanja su zadržavanje svježine, sočnosti i okusa proizvoda, a ambalaža je atraktivna i praktična sa easy open sistemom otvaranja. Svi “Menprom” proizvodi su proizvedeni od visokokvalitetne sirovine. Najsavremenija tehnologija i strogi nadzor naših 5 mladih stručnjaka tehnologa, garantuju savršene proizvode koji pružaju neodoljiv i ukusan zalogaj i koji se pamti. Implementirani standardi ISO 22 000:2005 i Halal garancija su za zdravstvenu ispravnost i sigurnost “Menpromovih” proizvoda.

TREĆI SAJAM “GRAPOS EXPO” OD 16. DO 19. MAJA 2012. U GRAČANICI

Sve je spremno za održavanje trećeg Međunarodnog sajma poduzetništva i obrta “Grapos expo 2012” u Gračanici. Ovo je Feni potvrdio Nedžad Nuhanović, direktor firme BOMS EXPO, koja je organizator ovogodišnjeg Sajma. Po njegovim riječima sajam će biti održan od 16. do 19. maja na lokaciji poslovne zone



“Širbegović”. Na Sajmu će nastupiti firme iz Bosne i Hercegovine, Hrvatske, Srbije, Slovenije, Francuske, a u toku su i pregovori o nastupu crnogorskih firmi.

U ČELIĆU 24. I 25. MAJA “DANI JAGODASTOG VOĆA BIH”



Od 24. do 25. maja 2012. godine u Čeliću će biti održana 23. Privredna manifestacija “Dani jagodastog voća BiH”. Organizacioni odbor manifestacije odlučio je da se Berza jagoda održi u ponedjeljak, 07. maja 2012. godine u 12 sati u krugu tvornice za preradu voća i povrća u Čeliću. Također, na održanoj sjednici povodom ove manifestacije konstituisan je i Organizacioni odbor na čijem čelu je premijer Tuzlanskog kantona Sead Čaušević, zamjenik predsjednika Organizacionog odbora je Fahir Subašić. Na sjednici je imenovan i izvršni odbor, te prezentovan program aktivnosti, kao i finansijski plan za organizaciju 23. Privredne manifestacije. Organizator ovogodišnje privredne manifestacije je UGPP “Zelena oaza” Čelić, a pokrovitelji su: Vlada Federacije BiH, Vlada Tuzlanskog kantona i općina Čelić. Sponzori su: Turistička zajednica Tuzlanskog kantona, BH Telecom i Bazen “Mrkaljević” Čelić. Medijski pokrovitelj je Radio televizija Tuzlanskog kantona.



dioničko društvo za promet roba na veliko i malo

Univerzal*promet*
tuzla

75000 Tuzla, Mitra Trifunovića Uče 7
centrala: tel. – 035 280 525, 281 522, 281 524
direktor: tel. – 035 282 486, fax: 250 568
komercijalna služba: tel. – 035 280 698, 280 526
biro-servis: tel./fax: 035 251 219
p.j. Bijeljina: tel. – 055 206 177
e-mail: upromet@inet.ba

*P*oštovani

Univerzalpromet je za svoje cijenjene kupce, povodom nastupajućih vjerskih i novogodišnjih praznika, pripremio bogat asortiman promotivne poslovne galanterije:

rokovnici, kalendari, mape, adresari, vizitari, pisaći pribor, organizeri za uredski pribor, kožna ženska i muška galanterija, program Samsonite, svilene marame i kravate i još mnogo toga...

Po želji naših klijenata vršimo izradu tiska na svim artiklima.

Posjetite naš izložbeni paviljon u ul. M. T. Uče 7 u Tuzli, ili nas pozovite na tel.: 280 525, 280 526, 280 698.

Ekskluzivnost i kvalitet su naš zaštitni znak.

*Vaš partner
Univerzalpromet*

*Za Vaš
veći domet*

Univerzalpromet



Sajamske aktivnosti...

PRIVREDA TK NA 19. OSJEČKOM SAJMU

U Osijeku je održan „19. osječki proljetni sajam – Sajam poljoprivrede i prehrane“

U gradu na Dravi su privrednici iz više od 170 firmi na ukupno 2000 m² zatvorenog i 5000 m² otvorenog izložbenog prostora prikazali najnovija ostvarenja, robe i usluge. Na ceremoniji svečanog otvaranja Sajma, Saša Uranjek, direktor Osječkog sajma, istakao je značaj sinergije privrede i vlasti u realizaciji sajamske manifestacije: **“Popunjene su prostori Sajma zahvaljujući, između ostalog, i izuzetno kvalitetnoj saradnji Hrvatske gospodarske komore – Županijska komora Osijek i Kantonalne privredne komore Tuzla. Zahvaljujem se svima koji su pomogli da budemo još kvalitetniji i još bolji”**, rekao je direktor Uranjek. Krešimir Bubalo, gradonačelnik Osijeka, čestitao je svim učesnicima i podržao saradnju prijateljskih gradova Osijeka i Tuzle. **“Nećemo mnogo pričati, hajdemo raditi. Čestitam organizatoru ali i komorama iz Osječko-baranjske županije i Tuzlanskog kantona na odlično odrađenom poslu”**, poručio je gradonačelnik Bubalo.

19 privrednih subjekata: ZZ “Gračanka” Gračanica, “Pivara” dd Tuzla, “Fana” doo Srebrenik, “Voćni rasadnik” doo Srebrenik, “Naturprodukt” doo Gradačac, “Herceg” doo Srebrenik, “Veda” doo Srebrenik, “Portanaturae”, “Indira” doo Gradačac, “PMG-VIP” PZ Gradačac, “Vegamix” doo Živinice, “Greny-smit” doo Gradačac, Turistička zajednica TK Tuzla i “Golden spring” doo Brčko Distrikt, “Solana” dd Tuzla, MI “Menprom” doo Gornja Tuzla, “Gradačački sajam” doo Gradačac, “Meraklija” – Destilacija MN Seona Srebrenik, “Solidmed” doo Živinice i PMP “Mikron-Metalno” doo Lukavac.

ODRŽANI BILATERALNI SUSRETI – KVALITETNIJA MEĐUREGIONALNA SARADNJA

Prvog dana Sajma Nedret Kikanović, predsjednik Kantonalne privredne komore Tuzla, i Zoran Kovačević, predsjednik Hrvatske gospodarske komore, Županijska komora

PRESENTOVANA GASTRO PONUDA TK – MENPROM I PIVARA ODUŠEVILI POSJETIOCE

Na „19. osječkom proljetnom sajmu – Sajam poljoprivrede i prehrane“, koji je održan od 2. do 4. marta 2012. godine, prezentovana je gastro ponuda TK. Kantonalna privredna komora Tuzla je na zajedničkom izložbenom prostoru za predstavljanje Privrede TK, organizovala degustaciju proizvoda firme učesnica zajedničkog predstavljanja privrede našeg kantona. Posjetioci na ovoj značajnoj sajamskoj manifestaciji su pripremljeni i ponudeni na degustaciju, proizvodi Mesne industrije „Menprom“ Tuzla, Čili kobasica, Koko kobasica i Koko sa sirom, Tuzlanska roštiljska kobasica. Ponudu je upotrijebila i paleta visoko kvalitetnih šampinjona firme „Naturprodukt“ Gradačac pripremljenih u začinu „Do-Do“ Solane Tuzla i “Vegamix” Živinice, i uz izuzetno kvalitetan i



Svečanom otvaranju Sajma uz visoke državne zvaničnike iz Hrvatske te Osječko-baranjske županije i grada Osijeka, prisustvovali su i predstavnici Vlade TK, predvođeni Seadom Čauševićem, premijerom Tuzlanskog kantona. **“Raduje organizovanje bilateralnih susreta privrednika iz dvije prijateljske regije. To su čvrsti temelji za kvalitetnu međuregionalnu saradnju”**, istakao je premijer Čaušević. Pozdravne riječi uputila je i Vesna Gantner-Kuterovac, pomoćnica ministra za poljoprivredu Osječko-baranjske županije, a Sajam je otvorio Vladimir Šišljagić naglasivši kako je svima poznata težina situacije u kojoj se nalazi privreda šire regije ali isto tako, i kako svi znaju šta treba raditi i šta je cilj: **“Treba pokrenuti razvoj poljoprivrede i prehrambene industrije”** rekao je župan Šišljagić. Na jednoj od najznačajnijih sajamskih manifestacija u susjednoj Hrvatskoj učestvovali su i privredni subjekti sa područja Tuzlanskog kantona okupljeni u zajedničku postavku Privrede TK, koju tradicionalno organizuje Kantonalna privredna komora Tuzla. Ove godine na „19. osječkom proljetnom sajmu – Sajam poljoprivrede i prehrane“ našu regiju predstavlja

Osijek, za privrednike ove dvije regije organizovali su bilateralne susrete. Susretima su prisustvovali predstavnici 13 privrednih subjekata sa područja TK kao i Sead Čaušević, premijer Tuzlanskog kantona sa saradnicima. Privredu Osječko-baranjske županije predstavljali su privrednici iz više od 20 firmi. Razgovaralo se o mogućoj saradnji u narednom periodu, otvaranju novih tržišta, uspostavljanju novih poslovnih veza. Otvorene su brojne mogućnosti za plasman proizvoda sa područja našeg kantona u Hrvatsku, ali istovremeno i za uvoz određenih proizvoda na područje Tuzlanskog kantona iz susjedne države. Nekoliko privrednih subjekata je pokrenulo inicijativu i za angažovanje zastupnika za distribuciju njihovih proizvoda na području Hrvatske, što upućuje na dugoročniju i kvalitetniju međuregionalnu saradnju. Ukupno je 13 firmi čiji su predstavnici učestvovali na danas održanim bilateralnim susretima. Susreti predstavljaju nastavak dugogodišnje uspješne poslovne saradnje dvije regije. Plod su izvanredne međukomorske saradnje te kvalitetnijih odnosa u okviru regionalne saradnje „Dunav – Drava – Sava“.

nagrađivan program salata iz firme “Fana” d.o.o. Srebrenik. Firma “Veda” Srebrenik je pripremila i kvalitetna peciva te u saradnji sa firmom “Portanaturae” i “Nigellus” čorokotovo ulje, koje se dobija procesom hladnog mehaničkog cijedenja, veoma zdravo i ljekovito. Za one koji su ljubitelji kvalitetne kapljice, nezaobilazno je bilo degustiranje široke palete iz “Pivare” dd Tuzla. Degustirali su posjetioci Tuzlanski pilsner, Erster pivo, ali i nove proizvode, Premium crno pivo i Radler. Najmlađi posjetioci su se osvježili uz Tuzlansku kiselu te proizvode Panonska Ledena: limun, orange i cola. “Meraklija” – Destilacija MN Seona Srebrenik, pripremila je za goste dobru kapljicu prave bosanske šljivovice a za one koji više brinu o svom zdravlju, bilo je i kvalitetne izvorske vode “Maja” koju puni “Golden spring” doo Brčko Distrikt, kvalitetnih jabuka i drugog voća iz “Greny-smit” doo Gradačac, te “PMG-VIP” PZ Gradačac. Iz firme “Solidmed” doo Živinice, za degustaciju je ponuđeno nekoliko vrsta meda.

Pripremio: Dino Kalesić



Novi sadržaji u TC "Omega" – 70 novih radnih mjesta ...

"OMEGA" PONOVO BLISTA – ISPUNJENA SVA OČEKIVANJA

Na površini od 2000 kvadratnih metara, na četvrtom spratu sve ljepšeg, kvalitetnijeg i modernijeg Tržnog centra "Omega" u Tuzli, svjetlo dana ugledali su novi sadržaji

Za svoje posjetioce, menadžment "Omge" osmislio je i priredio savremen, evropski način za provođenje kvalitetnog vremena u društvu najdražih. Na 4. spratu TC "Omega" otvoreno je nekoliko sadržaja koji do sada nisu objedinjeni na jednom mjestu u Tuzli.

"Riječ je o savremeno opremljenom prostoru koji sačinjava nekoliko ugostiteljskih objekata, dakle, caffe bar, pizzeria, restoran i slični sadržaji. Posebno smo pažnju posvetili najmlađoj populaciji i za mališane je opremljen zanimljiv dječiji kutak "Jungle Kids" u kojem roditelji mogu ostaviti svoje mališane na bezbrižno i sigurno igranje dok oni obavljaju kupovinu, ručaju, družu se uz kafu i razgovaraju sa prijateljima u ugodnom ambijentu, sa predivnim panoramskim pogledom na Tuzlu, kakav do sada nije bio moguć. Koliko pažnje smo posvetili djeci kada je u pitanju ovaj, novi dio našeg objekta, pokazuje i činjenica da je od ukupnog iznosa kojeg je "Omega" investirala u rekonstrukciju 4. sprata, oko 200 hiljada KM uloženo samo na uređaje za ventilaciju kako bi i vazduh u kojem se djeca igraju bio što svježiji i zdraviji", rekao je Edim Džambić, generalni direktor "Omega" doo Živinice, u čijem sastavu je TC "Omega" Tuzla.

Značajno je pomenuti da je investicija od oko milion KM donijela nekoliko zanimljivih objekata koji su odmah prepoznati i za koje su 6-7 privatnih poduzetnika sa područja Tuzlanskog kantona sklopili dugoročne ugovore za zakup prostora. Od posebnog značaja je podatak da je u novoopremljenom dijelu "Omge" posao našlo oko 70 novih radnika. Uz konstantno poboljšanje ponude, otvaranje novih sadržaja, saradnju sa svjetski pozicioniranim brendovima, menadžment "Omge" doo Živinice stalno ulaže napore i da pomogne zapošljavanje mladih. Ovoga puta, 70 novih radnih mjesta, investicija od milion KM na 2000 kvadrata, zvuči vrlo primamljivo i hvale vrijedno.

4. SPRAT TC OMEGA TUZLA – SADRŽAJI KOJI SU ISPUNILI SVA OČEKIVANJA

Svi sadržaji su popunjeni, Jungle kids – dječija igraonica je prepuna mališana koji dane provode u modernom opremljenom prostoru i "Omega" je ponovo u središtu zbivanja. Tržni centar "Omega" u Tuzli ponovo blista, ponovo je "Omega" dobila stari sjaj. Zadovoljni su svi posjetioći, puni riječi pohvale i vrlo rado pristaju

na razgovor o novom prostoru. Jasmin B. iz Lukavca, jedan je od njih: **"Idealno mjesto za nas mlade. Sigurno, veoma ugodna atmosfera, i vrlo prozračno, nije zagušljivo, više smo nego zadovoljni".**



Sandra T. iz Tuzle u prolazu ističe: **"Omega je jednostavno postala moja svakodnevnica. I sad sam bez određene namjere da nešto kupim ušla u Omegu, jednostavno postala je navika, mjesto bez kojeg ne mogu zamisliti dan".** U "Omegi" se zadesila i grupa mladih ljudi iz Sarajeva: **"Čuli smo za ovaj centar, imamo nešto slobodnog vremena pa smo došli da ga posjetimo. Možemo reći da je rame uz rame tržnim centrima u Sarajevu, da ima dobre sadržaje. Posebno nam je zadovoljstvo što Tuzlu vidimo iz druge perspektive, panorama kakvu do sada nismo imali priliku vidjeti, upravo zahvaljujući ovom prostoru".**

Nisu samo posjetioci zadovoljni. I menadžment je zadovoljan učinjenim. Za kratko vrijeme "Omega" je ponovo u centru zbivanja i donosi konstantno novine. **"Od svečanog otvaranja do danas zaista smo dobili jednu veliku satisfakciju učinjenim. Brojni posjetioci, brojne pohvale, roditelji čija djeca su sretna u Jungle kids, zadovoljna omladina, nama su potvrda da radimo dobro, da smo imali dobru ideju i da smo je realizovali na najbolji način. Posebno nas čini sretnima podatak da u vremenima sve veće nezaposlenosti, naše ideje donose nova radna mjesta. Raduje činjenica da smo za kratko vrijeme uradili mnogo. Naravno da se ovdje ne zaustavljamo. "Omega" Živinice je firma koja ima tradiciju, firma koja je prepoznatljiva na tržištu i mi ćemo nastaviti sa pozicioniranjem "Omge" gdje i služi. Svjesni smo cjelokupne situacije u društvu, znamo u kakvoj je situaciji svjetska pa i naša privreda, pratimo sva zbivanja u okruženju i temeljem svega pomenutog, moramo izraziti veliko zadovoljstvo da u ovako teškim vremenima povlačimo dobre poteze. Već smo dogovorili prvi naredni korak, o čemu će javnost vrlo brzo biti obaviještena",** za "Komorski informator" je rekao Edim Džambić, generalni direktor "Omega" doo Živinice....



Nakon Newyorkera, novih sadržaja na 4. spratu TC "Omega", za očekivati je nove kvalitetne poslovne poteze na koje nas je novi menadžment "Omge" već navikao...

Pripremio: Dino Kalesić

Solana[®]
Tuzla

Kvalitet sa tradicijom



Moj Naj Začin
PRODUCT BY SOLANA



Potpisan protokol o saradnji ...

URED MEDIJATORA U KOMORI TUZLA

Svečanim potpisivanjem Protokola o saradnji i zvanično je počela saradnja Kantonalne privredne komore Tuzla i Udruženja medijatora u Bosni i Hercegovini

Potpisivanju ovog dokumenta kojim se precizira buduća saradnja dvije institucije, prethodila je podrška inicijativi za projekat „ADR forumi“ koju je Kantonalna privredna komora Tuzla uputila s ciljem unapređenja primjene medijacije u BiH. **„Potpisali smo Sporazum sa Kantonalnom privrednom komorom Tuzla čijem predsjedniku Nedretu Kikanoviću se zahvaljujem jer je prepoznao značaj medijacije za privredu Tuzlanskog kantona. Sporazum treba da stvori pravne i druge pretpostavke koje će našim privrednicima olakšati ionako vrlo tešku poslovnu godinu na način da ćemo im omogućiti da sve sporove, uključujući i sudske postupke, pokušaju riješiti medijacijom. Šta to u praksi znači? To znači da ćemo našim privrednicima omogućiti da umjesto dugotrajnim i skupim sudskim postupcima koji traju mjesecima ili godinama, riješe sporove medijacijom koja je brža, efikasnija i jeftinija. Prema važećim zakonima, sporazum koji zaključi medijator ima snagu izvršne isprave. To znači da ako ne dođe do dobrovoljnog izvršenja sporazuma, stranke izvršenje mogu odmah tražiti od suda za razliku od sudskog postupka gdje žalba odlaže izvršenje. Također, Udruženje medijatora u BiH će u narednom periodu ponuditi općinama na području Tuzlanskog kantona i Vladi Tuzlanskog kantona, a naročito sudovima, konkretne oblike saradnje kako bi građanima olakšali rješavanje sporova a sudovima pomogli u rješavanju nagomilanih zaostalih predmeta, u skladu sa uspješno provedenim pilot projektima sa sudovima u Sarajevu i Banjaluci“**, istakao je Amir Avdagić, predsjednik Udruženja medijatora u Bosni i Hercegovini.

Kantonalna privredna komora Tuzla je prva privredna komora u Bosni i Hercegovini koja je potpisala sporazum ove vrste sa Udruženjem medijatora u BiH: **„Zahvaljujući predsjedniku Udruženja medijatora u BiH Amiru Avdagiću, realizovali smo dogovor, potpisali Sporazum o saradnji, koji dolazi kao rezultat višemjesečnog zajedničkog traženja odgovora kako pomoći našim privrednicima koji vode sudske postupke između sebe ili sa trećim pravnim ili fizičkim licima i kako pomoći privredi i indirektno građanima. Odgovor smo pronašli u medijaciji i potpisani sporazum predstavlja početak zajedničkih aktivnosti na promociji medijacije od koje će svi privrednici, ali i građani TK-a, imati konkretne koristi. Pozivamo sve privrednike, posebno članice Komore, koji vode sudske postupke i one koji planiraju pokrenuti sudske postupke, da se obrate za pomoć Komori Tuzla i Udruženju medijatora u BiH kako bi medijacijom os-**



„MEDIJACIJA U PRAVOSUDNOM SISTEMU BIH“

Kantonalna privredna komora Tuzla i Udruženje medijatora u BiH organizuju prezentaciju medijacije i knjige pod nazivom: „Medijacija u pravosudnom sistemu BiH“, autora Džemaludina Mutapčića iz Sarajeva. Prezentacija će biti održana u ponedjeljak 16. aprila 2012. godine u 12,00 sati u Kantonalnoj privrednoj komori Tuzla (velika sala). Promotori knjige su Goran Salihović, predsjednik Općinskog suda Sarajevo, Aleksandar Živanović, medijator iz Banja Luke i Amir Avdagić, predsjednik Udruženja medijatora u Bosni i Hercegovini. Cilj ove prezentacije i promocije knjige je da se, predstavnicima Vašeg ministarstva, sudijama općinskih sudova i stručnoj javnosti prezentuju dosadašnji rezultati medijacije kao i da se sagledaju mogućnosti unapređenja medijacije u Tuzlanskom kantonu. Također, ambicija ovog skupa je da afirmiše prednosti postupka medijacije u kontekstu Strategije reforme sektora pravde u Bosni i Hercegovini, u koje je Vaše ministarstvo aktivno uključeno i vrlo predano.



tvarili svoja prava na brži, ekonomičniji i efikasniji način. Medijacija je šansa za sve nas da u ovom vremenu recesije oslobodimo velika sredstva koja su predmet višegodišnjih sudskih sporova i šansa da u narednom periodu promoviramo ovaj alternativni način rješavanja sporova kao evropsku poslovnu praksu“, rekao je Nedret Kikanović, predsjednik Kantonalne privredne komore Tuzla.

Pored zajedničkih aktivnosti koje reguliše potpisani dokument, s ciljem pružanja novih i kvalitetnijih usluga svojim članicama i svim privrednim subjektima koji to žele postati, u Komori Tuzla će biti otvoren Ured Udruženja medijatora u Bosni i Hercegovini. Inače, ovo Udruženje, u saradnji sa Helsinškim parlamentom građana Banja Luka, priprema prijedlog projekta pod nazivom „ADR forum“, čiji je cilj uspostavljanje neformalnih foruma u Tuzli, Sarajevu i Banjoj Luci, koji bi uključili ključne aktere iz lokalne zajednice (institucije pravosuđa, privredne komore, općinu Tuzla, komunalna preduzeća Tuzlanskog kantona, nevladine organizacije). Forumi bi identifikovali sporove u zajednici koji su pogodni za medijaciju ili druge vidove mimog rješavanja sporova i organizovali mehanizme efikasnog upućivanja predmeta u postupak medijacije, kako bi se korištenje ovog mehanizma dalje unaprijedilo. Jedan od predviđenih projektnih mehanizama jeste da bi tokom određenih dana u mjesecu u općinama, odnosno komunalnim i drugim preduzećima i drugim uključenim institucijama, bilo organizovano prisustvo medijatora i drugog osoblja Udruženja medijatora koje bi strankama davalo informacije o postupku medijacije, pomoglo da pokrenu postupak i riješe spor medijacijom. Na ovaj način bi se navedene institucije upoznale sa medijacijom, odnosno osnivač Općina Tuzla i Tuzlanski kanton, menadžment, upravni odbori bi na praktičan način testirali mogućnosti alternativnog rješavanja sporova u cilju uštede ogromne sume novca koja se plaća za sudske takse i sudske postupke. Država Bosna i Hercegovina je Zakonom prenijela poslove medijacije na Udruženje medijatora BiH i sporazum koji zaključi medijator ima snagu izvršne isprave. Ova inicijativa bi podržala primjenu Strategije za reformu sektora pravde i usklađena je sa preporukama Evropske komisije, te očekujemo da bi dala velike rezultate na planu rasterećenja sudskog sistema i većeg korištenja alternativnog rješavanja sporova koji se već vode na Općinskom sudu Tuzla.

D.K.



Predstavljamo novu članicu ...

“BORPLASTIKA EKO” DOO TUZLA

“Borplastika Eko” d.o.o. je novootvorena firma 2011. godini u Tuzli, kći “Bor-plastika” d.o.o. Kneževi Vinogradi, Republika Hrvatska

“Bor-plastika” d.o.o. osnovana 1997. godine., koja je počela svoj rad proizvodnjom polipropilenskih i polietilenskih bazena i tehnoloških spremnika, razvila se u firmu sa širokim spektrom raznih proizvoda od termoplastike. Proizvodni program se širio prema zahtjevima tržišta na separatore lakih tekućina, bioloških prečišćaa otpadnih voda, kanalizacijskih okna, te raznih vrsta spremnika. Dugogodišnjim iskustvom uspjeli su u ovoj firmi dostići prepoznatljivu kvalitetu na tržištu, koja je pridonijela očuvanju i zaštiti okoliša, a time i povećanju životnog standarda. Suvremena tehnologija daje mogućnosti zadovoljenja svih specifičnih potreba kupaca, pri čemu je očuvanje okoliša na prvom mjestu. Tokom proteklih četrnaest godina usavršavana je i poboljšavana tehnologija proizvodnje. Svi uređaji se projektiraju i izrađuju u skladu sa europskim normama, te su atestirani od strane odgovarajuće institucije. Kako bi se postiglo što veće zadovoljstvo kupaca i što manje opterećenje okoliša, djelatnici firme se kontinuirano obučavaju na seminarima, tečajevima i simpozijima, ovisno o domeni struke. Svi djelatnici u proizvodnji su certificirani za zavarivanje prema smjernicama njemačkog udruženja zavarivača. U cjelokupno poslovanje firme implementiran je integrirani sistem upravljanja kvalitetom i okolišem sukladno međunarodnim standardima ISO 9001:2000 i ISO 14001:2004. Glavnim ciljem djelatnosti smatra se zaštita okoliša, njegovo očuvanje za buduće naraštaje i prilagodba djelatnosti politici održivog razvoja cijele regije. Iz tog razloga se u firmi neprekidno radi na razvoju i primjeni suvremenih tehnologija, unapređivanju funkcionalnosti postojećih proizvoda.

Osim tipskih proizvoda, u firmi “Borplastika Eko”, u mogućnosti su ispuniti i sve specifične zahtjeve koje klijenti postavljaju. Iz bogatog proizvodnog programa, izdvajamo samo neke segmente: Separatori ulja i odvajajući taloga - Projektirani su u skladu sa europskim normama EN-858-2, protoka 0,5-300 l/s, maksimalna koncentracija nečistoća na izlazu 0,5-5,0mg/l. Namijenjeni su za: benzinske pumpe, parkirališta, autopraonice, praonice kamiona, itd. Separatori masti – Projektirani su u skladu sa evropskim normama EN-1825-2, i kapacitetom 0,5-300 l/s. Namijenjeni su za: klaonice, restorane, hotele i ostale ugostiteljske objekte. Biološki pročišćaa otpadnih voda - U kontejnerskoj izvedbi imaju kapacitet do 150 ES, koji se mogu spajati u sisteme do 1000 ES. Maksimalna koncentracija nečistoća na izlazu zadovoljava uvjete za ispuštanje u prirodni recipijent II kategorije. Namjena – za prečišćavanje sanitarno-fekalnih otpadnih voda obiteljskih kuća, manjih tvornica, hotela ili manjih naselja. Kanalizacijska, vodomjerna i prepumpna okna, Vodonepropusne septičke i sabirne jame, Nidaplast blokovi (za akumuliranje oborinske vode i retenciju), Spremnici za prehrambenu i hemijsku industriju – Spremnici su kompletno izrađeni od polipropilena. Prednosti spremnika su: lako se održava, mala specifična težina, otporan na kiseline i lužine, povoljna cijena u usporedbi s drugim, ... i Bazeni. Svaki od navedenih proizvoda moguće je izvesti i u skladu sa pro-



jektom dokumentacijom. Svi proizvodi su atestirani i ispitani od strane odgovarajućih institucija. Važno je pomenuti i neke od velikih prednosti polipropilena: 100% vodonepropustan, nema opasnosti od korozije i abrazije, relativno mala masa. Više informacija o firmi “Borplastika Eko”, moguće je dobiti i na web stranici: www.borplastikaeko.ba.

D.K.






Kretanja u privredi TK ...

PRIVREDNA KRETANJA U TUZLANSKOM KANTONU I-II 2012

Privreda Tuzlanskog kantona u prva dva mjeseca 2012. godine je u odnosu na isti period 2011. ostvarila rast industrijske proizvodnje od 8.1%, za razliku od Bosne i Hercegovine i Federacije BiH u kojima je zabilježen pad industrijske proizvodnje. Iako je zabilježen ukupan rast, većina najznačajnijih djelatnosti za Tuzlanski kanton su zabilježile pad proizvodnje. Prema glavnim industrijskim granama, pad je zabilježen u proizvodnji energije (-15.5%), kapitalni proizvodi (-36.9%), netrajni proizvodi za široku potrošnju (-9.2%). Rast proizvodnje je zabilježen u oblasti intermedijarnih proizvoda (+0.4%) i trajnih proizvoda za široku potrošnju (+116%).



PREMA PODRUČJIMA I ODJELJCIMA KD-a	I-II 2012/I-II 2011
Vađenje uglja i lignita	100,7
Vađenje ostalih ruda i kamena	85,6
Prehrambeni proizvodi i pića	92,5
Proizvodnja tekstila	75,3
Odjevni predmeti, dorada i bojenje krzna	81,0
Prerada drveta osim namještaja	83,0
Proizvodnja koksa i derivata nafte	37,5
Hemikalije i hemijski proizvodi	112,7
Proizvodi od gume i plastičnih masa	150,9
Proizvodnja baznih metala	150,9
Metalni proizvodi osim mašina	94,5
Električne mašine i aparati	91,1
Namještaj i ostala prerađivačka industrija	215,5
Proizvodnja i snabdijevanje el. energijom, plinom, parom i toplom vodom	101,8


U sedamnaest privrednih grana je došlo do pada proizvodnje u prva dva mjeseca 2012. godine u odnosu na isti period prošle godine, dok je rast ostvaren u samo sedam privrednih grana, a posebno se ističu proizvodi od gume i plastičnih masa, proizvodnja baznih metala i proizvodnja namještaja i ostala prerađivačka industrija. U prva dva mjeseca 2012. godine iz Tuzlanskog kantona ukupno je izvezeno proizvoda u vrijednosti od 137.344.000 KM, što je u odnosu na isti period prošle godine manje za 26,88%. U isto vrijeme je došlo i do pada uvoza od 17,17% te je uvezeno roba u vrijednosti od 162.776.000 KM. U ukupnom uvozu u Bosnu i Hercegovinu, Tuzlanski kanton učestvuje sa 8,79%, dok u ukupnom izvozu učestvuje sa 12,37%. Pokrivenost uvoza izvozom je 84,38%, a u prva dva mjeseca 2012. godine postignut je vanjskotrgovinski deficit u vrijednosti od 25.433.000 KM. Najznačajniji rast izvoza je ostvaren kod izvoza mlijeka i mliječnih prerađevina, duhana i proizvoda od duhana, sirove kože i krzna, prediva, tkanine i tekstilnih proizvoda i obojenih metala. Najveći pad izvoza je kod izvoza voća i povrća, uglja, koksa i briketa i prirodnih đubriva.

Najveći rast uvoza u Tuzlanski kanton u prva dva mjeseca 2012. godine je zabilježen kod uvoza mlijeka i mliječnih proizvoda, hrane za životinje, organskih hemikalija i plastičnih masa, dok je najznačajniji pad zabilježen kod uvoza voća i povrća, šećera i šećernih prerađevina i duhana i proizvoda od duhana.

Najznačajniji vanjskotrgovinski partneri Tuzlanskog kantona su Njemačka, Slovenija, Italija, Hrvatska i Austrija. Prema podacima Federalnog zavoda za statistiku u januaru 2012. godine u Tuzlanskom kantonu je bilo zaposleno ukupno 81.061 osoba, što je za 2,3% manje u odnosu na prosjek iz 2011. godine i 1% manje u odnosu na decembar 2011. 60.549 osobe je zaposleno u privrednom sektoru dok je njih 20.512 zaposleno u javnom sektoru. Prerađivačka industrija i trgovina zapošljavaju najviše osoba. Prosječna neto plata iznosi 735,44 KM, što je ispod prosjeka Federacije BiH gdje ona iznosi 828,42 KM. Najviše prosječne neto plate su u sektoru proizvodnje i opskrbe el. energijom, pli-

nom i vodom, dok su najniže prosječne neto plate u trgovini. Prema podacima Federalnog zavoda za zapošljavanje, u januaru 2012. godine je registrovano 96.057 nezaposlenih osoba, čime je nastavljen rast broja nezaposlenih u Kantonu. Prema stručnoj spremi, najviše je KV i NKV radnika, a slijede osobe sa srednjom stručnom spremom. U Zavodu je registrovano 4.197 osoba sa visokom stručnom spremom.

	ZAPOSLENI	NEZAPOSLENI
I 2011	82.892	92.788
II 2011	83.380	92.682
III 2011	82.873	92.965
IV 2011	83.112	92.951
V 2011	82.975	93.028
VI 2011	82.865	93.353
VII 2011	83.290	93.696
VIII 2011	83.000	94.739
IX 2011	82.932	94.089
X 2011	83.784	94.529
XI 2011	82.405	94.723
XII 2011	81.850	95.194
I 2012	81.061	96.057



STRUČNA SLUŽBA
KANTONALNE PRIVREDNE
KOMORE TUZLA



KANTONALNA
PRIVREDNA
KOMORA TUZLA



ŠKOLA RAČUNARA ECDL

(European Computer Driving Licence)

Kantonalna privredna komora Tuzla u saradnji sa Institutom za edukaciju Vanjskotrgovinske komore BiH organizira međunarodno priznatu školu računara **ECDL - Europski certifikat o poznavanju rada na računaru.**

Ova škola se sastoji od slijedećih modula:

- Modul 1. Osnovi informacionih tehnologija (IT)
- Modul 2. Microsoft Office Windows XP (operativni sistem i upravljanje datotekama)
- Modul 3. Microsoft Office Word 2003 (obrada teksta)
- Modul 4. Microsoft Office Excel 2003 (rad sa tabelama)
- Modul 5. Microsoft Office Access 2003 (baze podataka)
- Modul 6. Microsoft Office PowerPoint 2003 (izrada prezentacija)
- Modul 7. Microsoft Office Outlook 2003 (Internet i elektronska pošta)

Predznanje nije neophodno!!!

Svaki od navedenih modula se pojedinačno polaže. ECDL TEST se polaže putem Interneta. Nakon položenih modula 2, 3, 4 i 7 dobiva se **ECDL START certifikat** a nakon svih sedam **ECDL DIPLOMA**, koji su priznati u 146 država svijeta (www.ecdl.com).

Više informacija o ECDL-u u Bosni i Hercegovini možete naći na www.ecos.ba ili www.ecdl.ba

Kotizacija za ECDL start:

400,- KM na tri rate (I rata 200,- KM prije početka škole).

U kotizaciju su uračunati: troškovi edukacije, priručnici i jedno polaganja svakog od navedena četiri modula. Pravo polaganja kandidat stiče uplatom cjelokupnog iznosa.

ŠKOLA ZA ECDL START CERTIFIKAT POČINJE U KANTONALNOJ PRIVREDNOJ KOMORI TUZLA,

Termini nastave:

Grupa 1: ponedjeljak i srijeda 14:00 - 15:30

Grupa 2: utorak i četvrtak 14:00 - 15:30

Zbog ograničenog broja mjesta molimo Vas da na vrijeme izvršite prijavu!

Informacije i prijave:

KANTONALNA PRIVREDNA KOMORA TUZLA

75000 TUZLA, Trg slobode b.b.

jovan@kpktz.ba

tel. : 035 258-260

NLB Gotovinski krediti
NLB Stambeni krediti



Uz novo ime, još novih pogodnosti!

Akcijska ponuda NLB Gotovinskih i NLB Stambenih kredita

Gotovinski kredit do 50.000 KM, sa kamatnom stopom već od **4,99 %** (EKS 7,07 %) i rokom otplate do 10 godina.
Stambeni krediti do 200.000 KM, sa kamatnom stopom već od **6,29 %** (EKS 6,58 %), rokom otplate do 20 godina, grace periodom do 6 mjeseci i gratis kreditnom karticom.

Posebna pogodnost akcijskih kredita je i **niža naknada** za obradu kreditnih zahtjeva, kao i odobravanje kredita **do 20.000 KM bez jemaca.**

Zbog Vas želimo biti još bolji!

Akcija traje do 30.06.2012. godine.

NLB  **Banka**
Znam zašto.